

**МОНГОЛ УЛСЫН ИХ ХУРАЛД САНАЛ БОЛГОСОН НЭР ДЭВШИГЧИЙН
ТАЛААРХ АЖЛЫН ХЭСГИЙН ТАЙЛАН**

Товч удирдамж: Шүүхийн ерөнхий зөвлөлийн болон Шүүхийн сахилгын хорооны шүүгч бус гишүүнийг сонгон шалгаруулах журам /цаашид "журам" гэх/-ын 12.1, 12.2, 12.3, 12.4-т заасны дагуу Ажлын хэсэг нь олонхын саналаараа Улсын Их Хуралд нэр дэвшүүлсэн нэр дэвшигчийн талаарх тайланг энэхүү загварт нийцүүлэн бичих үүрэгтэй. Журмын 13.1-д заасны дагуу Ажлын хэсгийн тайланг Улсын Их Хурлын цахим хуудаст байршуулах тул уг тайланд гэрийн хаяг, цахим шуудангийн хаяг, утасны дугаар зэрэг хувь хүний нууцад хамаарах мэдээллийг, мөн нэр дэвшигчийн талаар ярилцлага өгсөн хүний нэр, түүнийг таних шинжийг бичихгүй.

Нэр дэвшигчийн товч танилцуулга	
1	Эцэг/эхийн нэр: Ренчиндорж Ургийн овог: Шарайд Нэр: Онончимэг Хүйс: Эмэгтэй Төрсөн он: 1979 Төрсөн газар: Хэнтий аймаг, Биндэр сум Одоо оршин суугаа аймаг/нийслэл, сум/дүүрэг: Улаанбаатар хот, Сүхбаатар дүүрэг
2	Нэр дэвших тухай хүсэлт гаргасан албан тушаал Нэр дэвшигч Шүүхийн ерөнхий зөвлөлийн эсхүл Шүүхийн сахилгын хорооны шүүгч бус гишүүний алинд нэр дэвших тухай хүсэл гаргасан талаар бичнэ. <i>Нэр дэвшигч Р.Онончимэг Шүүхийн ерөнхий зөвлөлийн шүүгч бус гишүүнд нэр дэвших хүсэлт гаргасан.</i>
Сонгон шалгаруулалт, түүний үе шат, явуулсан ажиллагааны танилцуулга	
Сонгон шалгаруулалтын найман үе шат тус бүрийг журмын Дөрөв, Тав, Зургаа, Долоо, Найм, Ес, Арав, Арван нэг, Арван хоёрт заасны дагуу хэрхэн хэрэгжүүлсэн талаар тодорхой, ойлгомжтой бичнэ.	
3	Нэгдүгээр үе шат Журмын 3.1.1-д заасны дагуу "сонгон шалгаруулалтын зарыг нийтэд мэдээлэх" үе шат хэрхэн хэрэгжсэн талаарх мэдээлэл, үндэслэл бүхий дүгнэлт бичнэ. <i>Монгол Улсын шүүхийн тухай хууль /Шинэчилсэн найруулга/-уар Шүүхийн ерөнхий зөвлөлийн шүүгч бус 5 гишүүн, Шүүхийн сахилгын хорооны шүүгч бус 5 гишүүнийг Монгол Улсын Их Хурлаас нээлттэйгээр нэр дэвшүүлж, сонгон шалгаруулж томилохоор заасны дагуу 2021 оны 03</i>

	<p>дугаар сарын 10-ны өдрөөс 2021 оны 03 дугаар сарын 31-ний өдрийн 17 цаг 30 минут хүртэл олон нийтэд нээлттэй зарлаж, холбогдох материалыг хүлээн авахаар Хууль зүйн байнгын хорооны 2021 оны 03 дугаар сарын 10-ны өдрийн 05 дугаар тогтоолыг баталсан.</p> <p>Хууль зүйн байнгын хорооны 2021 оны 03 дугаар сарын 10-ны өдрийн 05 дугаар тогтоолын дагуу сонгон шалгаруулалтын зарыг 2021 оны 03 дугаар сарын 10-ны өдрөөс 03 дугаар сарын 31-ний өдрийн хооронд нийтэд мэдээлсэн.</p>
4	<p>Хоёрдугаар үе шат Журмын 3.1.2-д заасны дагуу “нэр дэвших тухай хүсэлт гаргах” үе шат хэрхэн хэрэгжсэн талаарх мэдээлэл, үндэслэл бүхий дүгнэлт бичнэ.</p> <p>Хууль зүйн байнгын хорооны 2021 оны 03 дугаар сарын 10-ны өдрийн 05 дугаар тогтоолоор сонгон шалгаруулалтын бүртгэлийн хугацааг тогтоож, хүсэлт, материалыг 21 хоногийн хугацаанд хүлээн авахаар нийтэд мэдээлсэн бөгөөд тус хугацаанд Шүүхийн ерөнхий зөвлөлийн болон Шүүхийн сахилгын хорооны шүүгч бус гишүүнд нийт 59 хүн нэрээ дэвшүүлэн, холбогдох материалыг ирүүлснээс 1 хүн нэрээ татаж нийт 58 хүн нэр дэвших хүсэлт гаргасан.</p>
5	<p>Гуравдугаар үе шат Журмын 3.1.3-д заасны дагуу “Ажлын хэсэг байгуулах” үе шат хэрхэн хэрэгжсэн талаарх мэдээлэл, үндэслэл бүхий дүгнэлт бичнэ.</p> <p>Хууль зүйн байнгын хорооны 2021 оны 09, 10, 20 дугаар тогтоолоор Шүүхийн ерөнхий зөвлөлийн болон Шүүхийн сахилгын хорооны шүүгч бус гишүүний сонгон шалгаруулах үүрэг бүхий ажлын хэсгийг Улсын Их Хурлын гишүүн С.Бямбацогт, Улсын Их Хурал дахь Монгол Ардын намын бүлгийн Ажлын албаны дарга С.Далхаасүрэн, Улсын Их Хурал дахь Ардчилсан намын бүлгийн даргын зөвлөх Д.Батдорж, Хүний эрхийн Үндэсний Комиссын гишүүн Б.Энхболд, Хууль зүй, дотоод хэргийн яамны Төрийн нарийн бичгийн дарга Б.Баасандорж, Монгол Улсын Ерөнхийлөгчийн Хууль зүйн бодлогын зөвлөх А.Бямбажаргал, Хууль зүйн үндэсний хүрээлэнгийн захирал Х.Эрдэм-Ундрах, Монголын Өмгөөлөгчдийн холбооны дэд ерөнхийлөгч М.Баасанбат, Монголын Хуульчдын холбооны удирдах зөвлөлийн гишүүн М.Мөнхбат, Монгол Улсын Их Сургуулийн Хууль зүйн сургуулийн Нийтийн эрх зүйн танхимын багш доктор, профессор О.Мөнхсайхан, “Шихихутуг” их сургуулийн Хувийн эрх зүйн тэнхимийн эрхлэгч Г.Амаржаргалан нарын бүрэлдэхүүнтэй байгуулсан.</p> <p>Тайлбар: Хууль зүйн байнгын хорооны 2021 оны 03 дугаар сарын 31-ний өдрийн 09 дүгээр тогтоолоор Сонгон шалгаруулах ажлын хэсгийг байгуулсан. Монголын Хуульчдын холбооны төлөөллийг Хууль зүйн байнгын хорооны хуралдаанд оролцсон гишүүдийн олонх дэмжээгүй бөгөөд Монголын Хуульчдын холбооноос Хуульчдын холбооны удирдах зөвлөлийн гишүүн М.Мөнхбатын нэрийг ирүүлсэн тул Хууль зүйн байнгын хорооны 09 дүгээр тогтоолд нэмэлт оруулах тухай 10 дугаар тогтоолыг баталсан. Түүнчлэн Монгол Улсын Их Сургуулийн Хууль зүйн сургуулийн эрдэмтэн нарийн бичгийн дарга А.Бямбажаргалын албан үүрэг өөрчлөгдсөн тул Хууль зүйн байнгын хорооны 09 дүгээр тогтоолд өөрчлөлт оруулах тухай 20 дугаар тогтоолоор ажлын хэсгийн</p>

	<i>бүрэлдэхүүнд өөрчлөлт оруулсан</i>
6	<p>Дөрөвдүгээр үе шат Журмын 3.1.4-д заасны дагуу “нэр дэвшигчээр бүртгэх” үе шат хэрхэн хэрэгжсэн талаарх мэдээлэл, үндэслэл бүхий дүгнэлт бичнэ.</p> <p><i>Ажлын хэсэг 2021 оны 04 дүгээр сарын 07-ны өдөр хуралдаж Монгол Улсын шүүхийн тухай /Шинэчилсэн найруулга/ хууль болон Хууль зүйн байнгын хорооны 2021 оны 03 дугаар сарын 10-ны өдрийн 06 дугаар тогтоолоор баталсан “Шүүхийн ерөнхий зөвлөлийн болон Шүүхийн сахилгын хорооны шүүгч бус гишүүнийг сонгон шалгаруулах журам”-д заасан материалын шаардлагыг хангасан гэж үзэн Шүүхийн ерөнхий зөвлөлийн шүүгч бус гишүүнд 29 хүн, Шүүхийн сахилгын хорооны шүүгч бус гишүүнд 24 хүнийг нэр дэвшигчээр бүртгэсэн.</i> <i>Ажлын хэсгийн энэхүү хуралдаанаар Р.Онончимэгийг Шүүхийн ерөнхий зөвлөлийн шүүгч бус гишүүнд нэр дэвшигчээр бүртгэсэн.</i></p>
7	<p>Тавдугаар үе шат Журмын 3.1.5-д заасны дагуу “нэр дэвшигчийн баримт бичгийг цахим хуудаст байршуулах, асуулт, санал хүлээн авах” үе шат хэрхэн хэрэгжсэн талаарх мэдээлэл, үндэслэл бүхий дүгнэлт бичнэ.</p> <p><i>“Шүүхийн ерөнхий зөвлөлийн болон Шүүхийн сахилгын хорооны шүүгч бус гишүүнийг сонгон шалгаруулах журам”-ын 8.1-д “нэр дэвшигчээр бүртгэснээс хойш ажлын нэг өдрийн дотор бүртгэсэн нэр дэвшигчдийн нэрс, нэр дэвших тухай хүсэлт, холбогдох бусад мэдээллийг Улсын Их Хурлын цахим хуудаст байршуулж, хэвлэл, мэдээллийн хэрэгслээр нийтэд мэдээлж түгээнэ.” гэж заасны дагуу дээр дурдсан 53 нэр дэвшигчийн материалыг www.parliament.mn Улсын Их Хурлын цахим хуудаст байршуулсан.</i> <i>Р.Онончимэгийн Нэр дэвших тухай хүсэлт, холбогдох бусад мэдээллийг Улсын Их Хурлын цахим хуудаст 2021 оны 04 дүгээр сарын 05-ны өдрөөс эхлэн байршуулсан.</i></p>
8	<p>Зургадугаар үе шат Журмын 3.1.6-д заасны дагуу “нэр дэвшигчийн талаар мэдээлэл цуглуулах, бүрдүүлэх” үе шат хэрхэн хэрэгжсэн талаарх мэдээлэл, үндэслэл бүхий дүгнэлт бичнэ.</p> <p><i>Хууль зүйн байнгын хорооны 2021 оны 03 дугаар сарын 10-ны өдрийн 06 дугаар тогтоолоор баталсан “Шүүхийн ерөнхий зөвлөлийн болон Шүүхийн сахилгын хорооны шүүгч бус гишүүнийг сонгон шалгаруулах журам”-ын 10.1-д “Энэ журмын 9.1-д заасны дагуу бүртгэсэн шийдвэр гармагц Ажлын хэсэг нэр дэвшигчийг Ажлын хэсгийн ахлагчаас бусад гишүүн бүрд тохиолдлын журмаар тэнцвэртэй хуваарилж илтгэгч гишүүнийг томилно” гэж заасныг баримтлан 2021 оны 04 дүгээр сарын 14-ний өдрийн Ажлын хэсгийн хуралдаанаар нэр дэвшигч тус бүрийн илтгэгч гишүүнийг сугалаагаар тодруулж, илтгэгч гишүүнийг томилсон.</i></p>
9	<p>Долдугаар үе шат Журмын 3.1.7-д заасны дагуу “Ажлын хэсгийн ярилцлага зохион байгуулах” үе шат хэрхэн хэрэгжсэн талаарх мэдээлэл, үндэслэл бүхий дүгнэлт бичнэ.</p> <p><i>Хууль зүйн байнгын хорооны 2021 оны 03 дугаар сарын 10-ны өдрийн 06 дугаар тогтоолоор баталсан “Шүүхийн ерөнхий зөвлөлийн</i></p>

	<p>болон Шүүхийн сахилгын хорооны шүүгч бус гишүүнийг сонгон шалгаруулах журам"-ын 11.1-д "Энэ журмын 10.7-д заасан хугацаа дууссанаас хойш ажлын таван өдрийн дотор нэр дэвшигч нь холбогдох шаардлагыг хангасан эсэхийг тодруулах зорилгоор Ажлын хэсэг нэр дэвшигч тус бүртэй ярилцлага зохион байгуулна." гэж, 11.2-д "Ажлын хэсэг зургаагаас доошгүй тооны гишүүний ирцтэйгээр ярилцлага хийх бөгөөд Ажлын хэсгийн ахлагч даргална." гэж заасан.</p> <p>Ажлын хэсэг 2021 оны 10 дугаар сарын 8,9,10-ны өдрүүдэд ажлын хэсгийн ярилцлагыг зохион байгуулсан бөгөөд Шүүхийн ерөнхий зөвлөлийн шүүгч бус гишүүнд 29 хүн нэр дэвшсэнээс 3 хүн нэрээ татсан бол 1 хүний төрийн алба хаах насны дээд хязгаарт хүрсэн, 1 хүн ярилцлагад ороогүй тул бүртгэлээс хасаж нийт 24 хүнтэй ярилцлага зохион байгуулсан. Шүүхийн сахилгын хороонд 24 хүн нэр дэвшсэнээс 1 хүн нэрээ татсан тул 23 хүнтэй ажлын хэсгийн ярилцлага зохион байгуулсан.</p>
<p>10</p>	<p>Наймдугаар үе шат Журмын 3.1.8-д заасны дагуу "нэр дэвшигчийг Улсын Их Хуралд санал болгох" үе шат хэрхэн хэрэгжсэн талаарх мэдээлэл, үндэслэл бүхий дүгнэлт бичнэ.</p> <p>"Шүүхийн ерөнхий зөвлөлийн болон Шүүхийн сахилгын хорооны шүүгч бус гишүүнийг сонгон шалгаруулах журам"-ын 12.1-д "Энэ журмын 11.6-д заасан хугацаа дууссанаас хойш ажлын дөрвөн өдрийн дотор Ажлын хэсэг дараах журмаар хуралдаж Ерөнхий зөвлөлийн эсхүл Сахилгын хорооны шүүгч бус гишүүнд нэр дэвшүүлэх эсэхийг шийдвэрлэнэ." гэж, мөн журмын 12.6-д "Энэ журмын 12.1-д заасан хуралдаанаас хойш ажлын гурван өдрийн дотор энэ журамд заасны дагуу олонхын санал авсан нэр дэвшигчийн талаарх Ажлын хэсгийн тайлан, холбогдох баримт бичгийг Байнгын хороонд хүргүүлнэ." гэж заасны дагуу саналаа Хууль зүйн байнгын хороонд хүргүүлэх зохицуулалттай.</p> <p>Ажлын хэсэг Монгол Улсын шүүхийн тухай хуулийн 77 дугаар зүйлийн 77.4.5- "энэ хуулийн 77.4.4-т заасан санал хураалтын дүнгээр Ажлын хэсгийн гишүүдийн олонхын санал авсан нэр дэвшигчийг саналын дарааллаар эрэмбэлэн сул орон тоогоор болон дараагийн олонхын санал авсан хоёр хүртэл хүний хамт нэр дэвшүүлж, Байнгын хороонд тайлангийн хамт ажлын гурван өдрийн дотор хүргүүлэх." гэж заасан.</p> <p>Ажлын хэсэг 2021 оны 10 дугаар сарын 19-ний өдөр хуралдаж, илтгэгч гишүүн бүр өөрсдийн судалсан нэр дэвшигчийн талаарх дэлгэрэнгүй тайланг танилцуулж, ажлын хэсгийн бусад гишүүн саналаа хэлж, асуулт асууж хэлэлцсэн. Үүний дараагаар санал хураалтыг нууцаар явуулахад зургаан нэр дэвшигч Ажлын хэсгийн гишүүдийн олонхын саналыг авсан. Өөрөөр хэлбэл, Шүүхийн ерөнхий зөвлөлийн шүүгч бус гишүүнд нэр дэвшигч Н.Отгончимэг 9 санал, Д.Эрдэнэчимэг 8 санал, Н.Баасанжав 7 санал, Р.Онончимэг 7 санал, Д.Зүмбэрэллхам 6 санал, Н.Мөнгөнцэцэг 6 санал тус тус авсан.</p>
<p>11</p>	<p>Сонгон шалгаруулалтын үйл явцыг нэгтгэн дүгнэх нь Ажлын хэсэг журмын 7.1-д заасан бүрэн эрхээ хэрхэн хэрэгжүүлсэн бэ, мөн журмын 12.4.1-д заасны дагуу сонгон шалгаруулалт нь Шүүхийн тухай хууль болон энэ журмын дагуу явагдсан тухай нэгтгэн дүгнэж бичнэ.</p> <p>Монгол Улсын Шүүхийн тухай хууль болон Хууль зүйн байнгын хорооны 2021 оны 03 дугаар сарын 10-ны өдрийн 06 дугаар тогтоолоор баталсан</p>

	<p><i>“Шүүхийн ерөнхий зөвлөлийн болон Шүүхийн сахилгын хорооны шүүгч бус гишүүнийг сонгон шалгаруулах журам”-ын дагуу Шүүхийн ерөнхий зөвлөлийн болон Шүүхийн сахилгын хорооны шүүгч бус гишүүнийг сонгон шалгаруулах үйл ажиллагааг амжилттай зохион байгууллаа.</i></p> <p><i>Ажлын хэсэг нь сонгон шалгаруулах үйл ажиллагааг хууль, журмын хүрээнд зохион байгуулсан бөгөөд аливаа нөлөөлөлд авталгүй хууль, журмыг дээдлэн ажилласан болно.</i></p>
<p>Шүүхийн ерөнхий зөвлөлийн эсхүл Шүүхийн сахилгын хорооны шүүгч бус гишүүнд тавих шаардлагыг хангасан тухай үнэлгээ</p>	
<p>Нэр дэвших тухай хүсэлт, түүний хавсралт, нэр дэвшигчийн хэвлүүлсэн бүтээл, олон нийтэд өгсөн мэдээлэл, олон нийтээс ирүүлсэн асуулт, санал, нэр дэвшигчийн талаар бусад хүмүүстэй хийсэн ярилцлага, нэр дэвшигчтэй илтгэгч гишүүний ганцаарчлан хийсэн ярилцлага, Ажлын хэсгийн ярилцлага, илтгэгч гишүүний дэлгэрэнгүй тайлан, нэр дэвшигчээс болон бусад этгээдээс гаргуулан авах зэргээр цуглуулсан мэдээлэл, баримт бичиг, нотлох баримтад тулгуурлан нэр дэвшигчид тавих шаардлагыг яагаад хамгийн сайн хангасан гэж үнэлж дүгнэсэн тухайгаа журмын 12.4.3-т заасны дагуу ойлгомжтой, тодорхой бичнэ.</p>	
<p>12</p>	<p>Боловсрол</p> <p>Төгссөн их, дээд сургууль, коллеж, боловсролын зэрэг, төгссөн оноор нь хамгийн сүүлийнхээс нь эхлэн дараалуулж жагсааж, журмын 2.1.2, 2.2.2-д заасан шаардлагыг хангаж байгаа нь ямар мэдээлэл, нотлох баримтаар тогтоогдсон талаар бичнэ.</p> <p>2018 оноос <i>МУИС-ХЗС-ын докторантурт элсэн суралцаж байна.</i></p> <p>2011 он <i>Хүмүүнлэгийн ухааны их сургууль, Англи хэлний орчуулагч, №D201133830, БД10111, хүмүүнлэгийн ухааны бакалавр</i></p> <p>2007 он <i>Удирдлагийн академи, Бизнесийн удирдлагын менежер, №7597, БД07952</i></p> <p>2003 он <i>Монгол улсын их сургууль, Хууль зүйн сургууль, №E20032571, БД№20030598, хууль зүйн магистрын зэрэг</i></p> <p>2000 он <i>Монгол улсын их сургууль, Хууль зүйн сургууль, эрх зүйч, №D2000/7631, БД2366, хууль зүйн ухааны бакалаврын зэрэг</i></p> <p><i>Р.Онончимэг нь эрх зүйч мэргэжил эзэмшсэн, хууль зүйн магистрын зэрэгтэй болох нь дипломын хуулбаруудаар нотлогдож байна.</i></p>
<p>13</p>	<p>Эрх зүйч мэргэжлээр 10-аас доошгүй жил ажилласан тухай</p> <p>Журмын 2.1.2, 2.2.2-д заасны дагуу эрх зүйч мэргэжлээр 10-аас доошгүй жил ажилласан гэдгийг ямар мэдээлэл, нотлох баримтад тулгуурлан дүгнэж буйгаа үндэслэлтэйгээр ойлгомжтой, тодорхой бичнэ.</p> <p><i>Р.Онончимэг нь эрх зүйч мэргэжлээр нийт 18 жил ажиллаж дээрх шаардлагыг хангасан болно. Тухайлбал :</i></p> <ul style="list-style-type: none"> - <i>Монголын Нотариатчдын танхимын Ерөнхийлөгч, нийслэлийн тойргийн нотариатч, 2017 оноос одоог хүртэл</i> - <i>Нийслэлийн Сүхбаатар дүүргийн тойргийн нотариатч, 2003-2017</i>

	<p>ОН</p> <ul style="list-style-type: none"> - Монголын Өмгөөлөгчдийн холбооны өмгөөлөгч 2003-2011 он - Монголын Нотариатчдын танхимын архивч, мэдээллийн албаны ажилтан 2001-2003 он <p>Нэр дэвшигчийн зүгээс ирүүлсэн мэдээлэл болон нийгмийн даатгалын дэвтрийн хуулбараар нотлогдож байна.</p>
<p>14</p>	<p>Хууль зүйн өндөр мэргэшилтэй: хууль зүйн өндөр мэдлэг, чадвар, туршлагатай тухай</p> <p>Нэр дэвшигч нь журмын 2.1.1, 2.2.1-д заасан шаардлагын хүрээнд “хууль зүйн өндөр мэдлэг, чадвар, туршлагатай” гэдгийг ямар мэдээлэл, нотлох баримтад тулгуурлан дүгнэж буйгаа үндэслэлтэйгээр ойлгомжтой, тодорхой бичнэ.</p> <p>Нэр дэвшигч Р.Онончимэгийг дараах үндэслэлээр “Хууль зүйн өндөр мэдлэг, чадвар, туршлагатай” гэж үзэж байна. Үүнд :</p> <p>Р.Онончимэг хуульч мэргэжлээр ажиллах хугацаандаа нотариатын үйл ажиллагааг цахимаар хэрэгжүүлэх эрхзүйн орчныг бүрдүүлэхэд онцгой анхаарч, Улсын бүртгэлийн багц хууль батлагдахад нотариатчийг мэдээлэл нийлүүлэх, зуучлах эрх бүхий онцгой субъект болгож, Нотариатын тухай хуульд нэмэлт, өөрчлөлт оруулж, үйл ажиллагааг цахимаар хийх, цахим болон цаасан нотлох баримт бүрдүүлэх зэрэг өөрчлөлтийг хуульд тусгуулсан.</p> <p>Түүний хэвлүүлсэн бүтээлүүд дотор эрдэм шинжилгээний ажил, судалгааны томоохон бүтээл нэлээдгүй хувийг эзэлж байна. Тодруулбал, “Нотариатын үйл ажиллагааны эрх зүйн зохицуулалтыг боловсронгуй болгох зарим асуудал, Магистрын дипломын ажил, 2003 он”, “Нотариатчийн үйл ажиллагааны хязгаарлалтыг тодорхой болгох нь, өгүүлэл, Legis хууль эрх зүйн суваг”, “Гэрээслэл, өгүүлэл, Хууль дээдлэх ёс 2005”, “Гэрээслэл ном, Монголын Нотариатчдын танхимаас эрхлэн гаргасан номыг хамтран боловсруулсан”, “Нотариатч нарт зориулсан гарын авлага 2008”, “Монгол Улсын нотариатын хөгжил, цаашдын чиг хандлага, өгүүлэл, Хууль дээдлэх ёс сэтгүүл 2009”, “Хилийн чанадаас ирэх болон гадаад улсад хэрэглэгдэх баримт бичгийн баталгаажуулалт, хэрэглээ, ном”, “Мөнгө угаах, терроризмыг санхүүжүүлэхтэй тэмцэхэд нотариатын байгууллагын гүйцэтгэх үүрэг, оролцоо, илтгэл, 2019.06.28” зэрэг бүтээлүүдийг туурвисан нь хуульчид болон иргэдийн зүйн мэдлэгийг тэлсэн, тус дэм болсон олон талын ач холбогдолтой байна.</p> <p>Хууль зүйн өндөр мэргэшилтэй үйл ажиллагааны жагсаалт</p> <p>Р.Онончимэг эрх зүйч мэргэжлээр 18 жил ажиллахдаа мэргэжлийн чиглэлээр хэвлүүлсэн бүтээл, ажлын хэсэгт орж ажилласан байдал, хамтран хэрэгжүүлсэн цөөнгүй бүтээлийн жагсаалтыг ирүүлсэн байна. Эдгээр бүтээлүүдийн заримыг дурдвал:</p> <ul style="list-style-type: none"> - 2020-2021 онд “Монгол Улсын нотариат түүхэн товчоон” I боть.

	<p><i>Зохиогч Р.Онончимэг</i></p> <ul style="list-style-type: none"> - <i>Монгол Улсын Нотариат хууль тогтоомжийн эмхтгэл II боть. Эмхтгэсэн Р.Онончимэг</i> - <i>“Хилийн чанадаас ирэх болон гадаад улсад хэрэглэгдэх баримт бичгийн баталгаажуулалт, хэрэглээ” ном. Эрхэлсэн газар: Зохиогч Р.Онончимэг</i> - <i>Олон улсын Нотариатын холбооны Азийн хэрэг эрхлэх комиссын 9 дүгээр үндсэн хурал (Удирдан зохион байгуулсан ОУНХ-ны АХЭК-ын ээлжит Ерөнхийлөгч, Монголын Нотариатчдын танхимын Ерөнхийлөгч Р.Онончимэг)</i> - <i>“Хөгжлийн бэрхшээлтэй, насанд хүрээгүй, өндөр настай иргэний хөрөнгийн эрхийн хамгаалалт” сэдэвт онол, практикийн бага хурал (Удирдан зохион байгуулсан Р.Онончимэг)</i> - <i>Нотариатын тухай хуульд нэмэлт, өөрчлөлт оруулах тухай хууль. (Монголын Нотариатчдын танхимын Ерөнхийлөгч Р.Онончимэг ХЗДХЯ-ны болон УИХ-ын ажлын хэсэгт орж ажилласан.)</i> - <i>Олон улсын Нотариатын холбооны Азийн хэрэг эрхлэх комиссын 2019 оны ээлжит Ерөнхийлөгчөөр Монголын Нотариатчдын танхимын Ерөнхийлөгч Р.Онончимэг томилогдсон.</i> - <i>“Нотариатын нийгэмд гүйцэтгэх үүрэг” сэдэвт Олон улсын эрдэм шинжилгээний бага хурал (Удирдан зохион байгуулсан Монголын Нотариатчдын танхимын Ерөнхийлөгч Р.Онончимэг)</i> - <i>Монголын Нотариатчдын танхимын Ерөнхийлөгчөөр Р.Онончимэг сонгогдсон.</i> - <i>Монголын улсад Нотариатын байгууллага үүсэж хөгжсөний 90 жилийн ойг тэмдэглэн өнгөрүүлэх ажлын хэсгийн ахлагчаар ажилласан.</i> - <i>“Цахим нотариат” төсөл (2012 оноос эхлэн өнөөдрийг хүртэл Удирдах зөвлөл, ажлын хэсгийн гишүүн, Ерөнхийлөгчийн хувьд төслийн бүх үе шатанд хамтран ажиллаж, хэрэгжилтийг удирдан зохион байгуулж байна.)</i> - <i>“Гэрээслэл” гарын авлага хамтран боловсруулсан. Эрхэлсэн газар: Монголын Нотариатчдын танхим</i>
<p>15</p>	<p>Хууль зүйн өндөр мэргэшилтэй: мэргэжлийн ёс зүйн өндөр шаардлага хангасан тухай</p> <p>Нэр дэвшигч нь журмын 2.1.1, 2.2.1-д заасан шаардлагын хүрээнд “бусдын нөлөөнд автахгүй, хараат бусаар ажиллах, зарчимч, шударга зан төлөвтэй, мэргэжлийн ёс зүйн өндөр шаардлагыг хангасан” гэдгийг ямар мэдээлэл, нотлох баримтад тулгуурлан дүгнэж буйгаа үндэслэлтэйгээр ойлгомжтой, тодорхой бичнэ.</p> <p><i>Нэр дэвшигч Р.Онончимэг нь бусдын нөлөөнд автахгүй, хараат бусаар ажиллах, зарчимч, шударга зан төлөвтэй, мэргэжлийн ёс зүйн өндөр шаардлагыг хангасан гэж дүгнэж байна. Тухайлбал:</i></p> <p><i>- Нэр дэвшигч Р.Онончимэгтэй хамтран ажиллаж байсан хүмүүстэй ярилцлага хийхэд “Р.Онончимэг нь хувь зан чанарын хувьд, зарчимч, шударга дайчин, удирдан зохион байгуулах чадвартай, ажил хэрэгч хүн”, “Тэрээр хуульчийн хувьд чадварлаг хуульч. Тэр дундаа нотариатын салбарт асар их туршлагатай. Онончимэг 2003 оноос нотариатын үйл ажиллагаа эрхлэх эрх авч, 18 жил мэргэжлээрээ тасралтгүй үр бүтээлтэй ажиллаж байгаа бөгөөд цагийн менежмент сайн, харилцаа хандлага сайтай, хуулийн хүрээнд иргэдэд чирэгдэлгүй үйлчилж, нотариатын үйлдлийг бие даан шуурхай гүйцэтгэж ирсэн” хэмээн</i></p>

	<p><i>нийтлэг байдлаар тодорхойлсон.</i></p> <p><i>- Мэргэжлийн үйл ажиллагааны хувьд нотариатын салбарт олон жил тогтвор суурьшилтай ажилласан, салбарын үйл ажиллагааны хөгжил дэвшилд өөрийн хувь нэмрийг оруулсан, Олон улсын нотариатын холбоотой хамтарч ажилласан байдал, Монголын Нотариатчдын танхимын ерөнхийлөгч, Удирдах зөвлөлийн даргаар ажиллаж байгаа туршлагатай чадварлаг хуульч юм.</i></p> <p><i>- Нэр дэвшигч Р.Онончимэг ажлын хэсгийн ярилцлагад амжилттай оролцсон. Ярилцлагад:</i></p> <p><i>Хууль зүйн салбар тэр дундаа иргэдэд хууль зүйн үйлчилгээ үзүүлэх, иргэдийн нийтлэг эрх ашгийг хамгаалах чиглэлд олон жил анхаарч ажилласан. Монголын нотариатын байгууллагын хөгжил дэвшилд өөрийн гэсэн үнэтэй хувь нэмрийг оруулан ажиллаж байна.</i></p> <p><i>Монгол улсын эрх зүйн орчныг сайжруулах, хууль боловсруулах ажилд гар бие оролцож, хэд хэдэн хуулийн ажлын хэсэгт орон ажилласан. Мөн нийгмийн эмзэг ядуу хэсэг, хөгжлийн бэрхшээлтэй иргэдийн эрх ашгийн хамгаалах чиглэлээр цөөнгүй ажил санаачлан хэрэгжүүлсэн.</i></p> <p><i>Шүүхийн ерөнхий зөвлөлийн гишүүнээр сонгогдсон тохиолдолд хууль шүүхийн байгууллагын нэр хүндийг өсгөх, шүүхийн хараат бус, шүүгчийн бие даасан байдлыг хангахын төлөө хичээнгүйлэн ажиллах болно... гэж өөрийн байр сууриа илэрхийлсэн юм.</i></p>
<p>16</p>	<p>Төрийн алба хаах насны дээд хязгаарт хүрээгүй тухай Журмын 2.1.3, 2.2.3-д заасны дагуу “төрийн алба хаах насны дээд хязгаарт хүрээгүй” байх шаардлагыг хангаж байгааг ямар мэдээлэл, нотлох баримтад тулгуурлан дүгнэж буйгаа үндэслэлтэйгээр тодорхой, ойлгомжтой бичнэ.</p> <p><i>Р.Онончимэг 1979 онд төрсөн, 42 настай. Төрийн алба хаах насны дээд хязгаарт хүрээгүй.</i></p>
<p>17</p>	<p>Монгол Улсын иргэн мөн тухай Журмын 2.1, 2.2-д заасны дагуу “Монгол Улсын иргэн” байх шаардлагыг хангаж байгаа гэдгийг ямар мэдээлэл, нотлох баримтад тулгуурлан дүгнэж буйгаа үндэслэлтэйгээр тодорхой, ойлгомжтой бичнэ.</p> <p><i>Р.Онончимэг Монгол Улсын иргэн мөн.</i></p>
<p>18</p>	<p>Сүүлийн таван жилд улс төрийн болон намын удирдах албан тушаал хашиж байгаагүй тухай Журмын 2.1.5, 2.2.4-д заасны дагуу “сүүлийн таван жил улс төрийн албан тушаал болон улс төрийн намын удирдах албан тушаал эрхэлж байгаагүй” байх шаардлагыг хангаж байгаа гэдгийг ямар мэдээлэл, нотлох баримтад тулгуурлан дүгнэж буйгаа үндэслэлтэйгээр тодорхой, ойлгомжтой бичнэ.</p> <p><i>Р.Онончимэг сүүлийн таван жил улс төрийн албан тушаал болон улс төрийн намын удирдах албан тушаал эрхэлж байгаагүй нь нийгмийн даатгалын шимтгэл төлөлтийн тодорхойлолтоор нотлогдож байна.</i></p>
<p>19</p>	<p>Эрүүгийн хариуцлага хүлээж байгаагүй тухай Журмын 2.1.6, 2.2.10-д заасны дагуу “эрүүгийн хариуцлага хүлээж байгаагүй” байх шаардлагыг хангаж байгаа гэдгийг ямар мэдээлэл, нотлох баримтад тулгуурлан дүгнэж буйгаа үндэслэлтэйгээр тодорхой, ойлгомжтой бичнэ.</p>

	<i>Р.Онончимэг эрүүгийн хариуцлага хүлээж байгаагүй нь ял шийтгэлгүй талаарх тодорхойлолтоор нотлогдож байна.</i>
20	<p>Сахилгын шийтгэлээр халагдаж эсхүл огцорч байсан эсэх тухай Сахилгын шийтгэлээр ажлаас халагдаж эсхүл огцорч байсан эсэхийг ямар мэдээлэл, нотлох баримтад тулгуурлан дүгнэж буйгаа үндэслэлтэйгээр тодорхой, ойлгомжтой бичнэ.</p> <p><i>Р.Онончимэг сахилгын шийтгэлээр ажлаас халагдаж эсхүл огцорч байгаагүй бөгөөд энэ нь нийгмийн даатгалын дэвтрээр нотлогдож байна.</i></p>
21	<p>Шүүхийн ерөнхий зөвлөлийн гишүүнээр ажиллаагүй, ажиллаж байгаагүй тухай Журмын 2.2.6, 2.3-д заасны дагуу Шүүхийн ерөнхий зөвлөлийн шүүгч бус гишүүнд нэр дэвшигч Шүүхийн ерөнхий зөвлөлийн гишүүнээр ажиллаагүй буюу ажиллаж байгаагүй, Шүүхийн сахилгын хорооны гишүүнд нэр дэвшигч Шүүхийн ерөнхий зөвлөлийн гишүүнээр ажиллаагүй байх шаардлагатай. Энэхүү шаардлагыг хангаж байгаа гэдгийг ямар мэдээлэл, нотлох баримтад тулгуурлан дүгнэж буйгаа үндэслэлтэйгээр тодорхой, ойлгомжтой бичнэ.</p> <p><i>Р.Онончимэг нь Шүүхийн ерөнхий зөвлөлийн гишүүнээр ажиллаагүй, мөн ажиллаж байгаагүй бөгөөд энэ нь нийгмийн даатгалын дэвтрээр нотлогдож байна.</i></p>
22	<p>Шүүгчээр ажиллаж байгаагүй тухай Журмын 2.1.4, 2.2.4, 2.2.5-д заасны дагуу Шүүхийн ерөнхий зөвлөлийн шүүгч бус гишүүнд нэр дэвшигч сүүлийн таван жил шүүгчээр ажиллаж байгаагүй байх, Шүүхийн сахилгын хорооны гишүүнд нэр дэвшигч шүүгчээр ажиллаж байгаагүй байх шаардлагатай. Энэхүү шаардлагыг хангаж байгаа гэдгийг ямар мэдээлэл, нотлох баримтад тулгуурлан дүгнэж буйгаа үндэслэлтэйгээр тодорхой, ойлгомжтой бичнэ.</p> <p><i>Р.Онончимэг нь шүүгчээр ажиллаагүй, мөн ажиллаж байгаагүй бөгөөд энэ нь нийгмийн даатгалын дэвтрээр нотлогдож байна.</i></p>
23	<p>Шүүхийн сахилгын хорооны гишүүнээр ажиллаагүй, ажиллаж байгаагүй тухай Шүүхийн тухай хуулийн 95.9-д заасны дагуу Шүүхийн сахилгын хорооны шүүгч бус гишүүнд нэр дэвшигч нь Шүүхийн сахилгын хорооны гишүүнээр ажиллаагүй, ажиллаж байгаагүй гэдгийг ямар мэдээлэл, нотлох баримтад тулгуурлан дүгнэж буйгаа үндэслэлтэйгээр тодорхой, ойлгомжтой бичнэ.</p> <p><i>Р.Онончимэг нь Шүүхийн сахилгын хорооны гишүүнээр ажиллаагүй, мөн ажиллаж байгаагүй бөгөөд энэ нь нийгмийн даатгалын дэвтрээр нотлогдож байна.</i></p>
24	<p>Шүүхийн захиргааны байгууллагын ажилтнаар ажиллахгүй байгаа тухай Журмын 2.2.7-д заасны дагуу Шүүхийн сахилгын хорооны шүүгч бус гишүүнд нэр дэвшигч нь Шүүхийн захиргааны байгууллагын ажилтнаар ажиллахгүй байгаа гэдгийг ямар мэдээлэл, нотлох баримтад тулгуурлан дүгнэж буйгаа үндэслэлтэйгээр тодорхой, ойлгомжтой бичнэ.</p> <p><i>Хамааралгүй</i></p>

25	<p>Өмгөөлөгчөөр ажиллахгүй байгаа тухай Журмын 2.2.8-д заасны дагуу Шүүхийн сахилгын хорооны шүүгч бус гишүүнд нэр дэвшигч нь өмгөөлөгчөөр ажиллахгүй байгаа гэдгийг ямар мэдээлэл, нотлох баримтад тулгуурлан дүгнэж буйгаа үндэслэлтэйгээр тодорхой, ойлгомжтой бичнэ.</p> <p><i>Хамааралгүй</i></p>
26	<p>Прокуророор ажиллахгүй байгаа тухай Журмын 2.2.9-д заасны дагуу Шүүхийн сахилгын хорооны шүүгч бус гишүүнд нэр дэвшигч нь прокуророор ажиллахгүй байгаа гэдгийг ямар мэдээлэл, нотлох баримтад тулгуурлан дүгнэж буйгаа үндэслэлтэйгээр тодорхой, ойлгомжтой бичнэ.</p> <p><i>Хамааралгүй</i></p>
27	<p>Шүүхийн ерөнхий зөвлөлийн эсхүл Шүүхийн сахилгын хорооны шүүгч бус гишүүнд санал болгох үндэслэлүүдийг нэгтгэн дүгнэх нь Ажлын хэсэг нь цуглуулсан бүх нотлох баримт, мэдээлэлд тулгуурлан нэр дэвшигчийн хууль зүйн мэдлэг, ур чадвар, ёс зүй, зан төлөвийг үнэлж журмын 2.1, 2.2, 2.3-д заасан харгалзах шаардлагыг тухайн нэр дэвшигч хамгийн сайн хангаж буй гэдгийг нэгтгэн дүгнэж үндэслэлээ тодорхой, ойлгомжтой бичнэ.</p> <p><i>Шүүхийн ерөнхий зөвлөлийн шүүгч бус гишүүнд нэр дэвшигч Р.Онончимэг нь эрх зүйч мэргэжлээр 18 жил ажилласан. Монголын өмгөөлөгчдийн холбоо болон Монголын нотариатчдын танхимд ажиллаж, иргэдэд хууль зүйн туслалцаа үзүүлж байсан туршлагатай. Ялангуяа нотариатын байгууллагад жирийн ажилтан, нотариатч, Монголын нотариатчдын танхимын ерөнхийлөгч хүртэл өсөн дэвшиж ажилласан баялаг түүхтэй. Түүнчлэн хуульчийн хувьд, хууль тогтоох, шүүх эрх мэдлийн төрийн байгууллага, олон улсын байгууллагуудтай олон чиглэлээр хамтарч, хууль зүйн мэргэжил, арга зүйн туслалцаа, зөвлөгөө өгөн ажиллаж байсан арвин туршлагатай.</i></p> <p><i>Р.Онончимэгийн удирдлагад болон хамтран ажиллаж байсан хүмүүс нь ёс зүй, зан төлөвийг нь зарчимч, шударга, дайчин гэж нийтлэг байдлаар давтан тодорхойлсон.</i></p> <p><i>Иймд холбогдох хууль, журамд заасан Шүүхийн ерөнхий зөвлөлийн шүүгч бус гишүүнд тавигдах шаардлагыг бүрэн хангаж байна.</i></p> <p><i>Жич : Нэр дэвшигч Р.Онончимэгт холбогдох хоёр мэдээлэл ирсэн. Тус мэдээллийн талаар мэдээлэл гаргасан иргэд болон нэр дэвшигч Р.Онончимэг нартай уулзаж нэмэлт тайлбар авч ажилласан. Нэмэлт тайлбарыг сонсож, холбогдох мэдээлэлтэй танилцсаныг дээр дурдсан болно.</i></p>

Ажлын хэсгийн гишүүд

	Эцэг/эхийн нэр, өөрийн нэр	Гарын үсэг	Огноо
1			

2			
3			
4			
5			
6			
7			
8			
9			
10			
11			

Шүүхийн ерөнхий зөвлөлийн болон Шүүхийн сахилгын хорооны шүүгч бус гишүүний сонгон шалгаруулах үүрэг бүхий ажлын хэсэг

2021 оны 10 дугаар сарын 25-ны өдөр

Хавсралт: тайлан гаргахад тулгуурласан баримт

1. Нэр дэвших тухай хүсэлт, түүний хүсэлт, 2021.03.30;
2. Төрийн албан хаагчийн анкет;
3. Иргэний үнэмлэхийн хуулбар;
4. Нийгмийн даатгалын дэвтрийн хуулбар;
5. Эрх зүйн бакалаврын зэргийн дипломын хуулбар, МУИС-ийн Хууль зүйн сургууль, 2000.06.19;
6. Хууль зүйн магистрын дипломын хуулбар, МУИС-ийн Хууль зүйн сургууль, 2003.06.03;
7. Бизнесийн удирдлагын менежерийн дипломын хуулбар, Удирдлагын академи, Бизнесийн удирдлагын сургууль, 2007.12.28;
8. Хүмүүнлэгийн ухааны бакалаврын зэргийн дипломын хуулбар, Хүмүүнлэгийн ухааны их сургууль, 2011.06.10;
9. МУИС-ийн Хууль зүйн сургуулийн докторын хөтөлбөрт суралцаж байгаа талаарх тодорхойлолт, МУИС-ийн Хууль зүйн сургууль, 2021.03.23;
10. Хууль зүйн өндөр мэргэшилтэй тухай баримтууд болон холбогдох материалын хуулбарууд, 80 хуудас;
11. Эрх зүйч мэргэжлээр 10-аас доошгүй жил ажилласныг нотлох баримтууд холбогдох материалын хуулбарууд, 16 хуудас;
12. Холбогдох бусад материал.